



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-1-40-146-2/25**

Datum: **08.05.2025. godine**

«Agencija za vodno područje rijeke Save» Sarajevo rješavajući službenom zahtjevu Ministarstva za prostorno uređenje, promet i komunikacije i zaštitu okoline Zeničko-dobojskog kantona za donošenje Rješenja o prethodnoj vodnoj saglasnosti u postupku pribavljanja urbanističke saglasnosti za izgradnju objekta za skladištenje metala i dogradnju tri objekta za skladištenje neopasnog otpada na lokaciji Šljivik, Željezarska ulica br. 7, grad Zenica, po zahtjevu pravnog lica «SELLER» d.o.o. Gradačac – Podružnica Zenica, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica «SELLER» d.o.o. Gradačac – Podružnica Zenica za donošenje rješenja o prethodnoj vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i za ispuštanje tehnoloških i oborinskih onečišćenih otpadnih voda u prirodni recipijent, a u postupku pribavljanja urbanističke saglasnosti za izgradnju objekta za skladištenje metala i dogradnju tri objekta za skladištenje neopasnog otpada na lokaciji Šljivik, Željezarska ulica br. 7, na zemljištu označenom kao k.č. broj: 305/1 K.O. Zenica I, grad Zenica s obzirom da je za predmetnu aktivnost ishodovano rješenje o vodnoj dozvoli, te shodno odredbama člana 18. tačka (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22, nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovim Rješenjem, korisnik zaštitnih vodnih objekata nije odgovoran za nastale štete.
4. Ovo Rješenje se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Ministarstvo za prostorno uređenje, promet i komunikacije i zaštitu okoline Zeničko-dobojskog kantona, obratilo se po službenoj dužnosti ovoj Agenciji sa zahtjevom broj: UP1-12-19-4550-5/24 od 01.04.2025. godine, zaprimljenim 04.04.2025. godine, za izdavanje prethodne vodne saglasnosti u postupku pribavljanja urbanističke saglasnosti za izgradnju objekta za skladištenje metala i dogradnju tri objekta za skladištenje neopasnog otpada na lokaciji Šljivik, Željezarska ulica br. 7, na zemljištu označenom kao k.č. broj: 305/1 K.O. Zenica I, grad Zenica, po zahtjevu pravnog lica «SELLER» d.o.o. Gradačac – Podružnica Zenica.

U provedenom postupku dostavljena je i pregledana sljedeća dokumentacija:

- Kopija Molbe za produženje roka za dopunu dokumentacije upućene Ministarstvu za prostorno uređenje, promet i komunikacije i zaštitu okoline Zeničko-dobojskog kantona od 23.10.2024. godine,
- Kopija katastarskog plana UR broj: 04-26-10-14204/2024-7 od 11.09.2024. izdatog od Službe za imovinsko-pravne, geodetske poslove i katastar nekretnina Grada Zenica,
- Kopija Posjedovnog lista broj: 04-26-10-14204/24-2 od 11.09.2024. izdatog od Službe za imovinsko-pravne, geodetske poslove i katastar nekretnina Grada Zenica,
- Kopija Rješenja o vodnoj dozvoli broj: UP-1/21-3-40-254-5/23 od 01.09.2023. godine izdatog od «Agencije za vodno područje rijeke Save» Sarajevo,

- Kopija Rješenja o upotrebi građevine (na ime «MODERNIZACIJA» d.o.o. Gradačac) broj: 12-23-04652/17 od 27.06.2017. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za građenje (na ime «MODERNIZACIJA» d.o.o. Gradačac) broj: 12-23-03843/17 od 10.05.2017. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o urbanističkoj saglasnosti (na ime «MODERNIZACIJA» d.o.o. Gradačac) broj: 12-23-01513/17 od 17.04.2017. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Tehničkog opisa – Skladišni objekti sa Opisom tehnološkog procesa skladište sekundarnih sirovina – čisti i neopasni materijali, maj 2023., urađen od «ASILT ING» d.o.o. Gradačac.

Na osnovu dostavljene dokumentacije utvrđeno je sljedeće:

- Objekat skladišta sekundarnih sirovina koje koristi pravno lice «SELLER» d.o.o. Gradačac – Podružnica Zenica izgrađen je na lokalitetu Šljivik, grad Zenica. Na predmetnom, ograđenom, lokalitetu površine cca 5.600 m² se nalaze: upravni objekat, pomoćni objekti, boksovi u kojima se vrši razdvajanje sirovina, kolska vaga, vanjske radne, skladišne i manipulativne površine, separator masti i ulja. Sve radne, manipulativne i saobraćajne površine su uređene i asfaltirane sa riješenim sistemom odvodnje onečišćenih voda.
- Za predmetni objekat je ranije od ove Agencije ishodovano Rješenje o vodnoj dozvoli broj: UP-1/21-3-40-379-3/24 od 04.10.2024. godine sa rokom važenja pet godina od dana pravosnažnosti rješenja. U toku obavljanja uviđaja na terenu, u postupku izdavanja naprijed navedene dozvole, utvrđeno je da su objekti koji su predmetom zahtjeva za pribavljanje urbanističke saglasnosti izgrađeni (objekat za skladištenje metala i dogradnja tri objekta za skladištenje neopasnog otpada), te predstavljaju proširenje postojećih kapaciteta sa zajedničkim sistemom odvodnje. Za proširenje ili rekonstrukciju kanalizacionog sistema za odvođenje otpadnih voda na postojeći uređaj za prečišćavanje, za koji je izdata vodna dozvola, nije potrebno pribaviti vodni akt.

Iz naprijed navedenih razloga, a u skladu s članom 139. stav (1) Zakona o vodama i članom 200. stav (1) Zakona o upravnom postupku, riješeno je kao u dispozitivu ovoga Rješenja.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- «SELLER» d.o.o. Podružnica Zenica
Željezarska 7, 72000 Zenica
- Zeničko-dobojski kanton, Ministarstvo za prostorno uređenje, promet i komunikacije i zaštitu okoline
Kučukovići br. 2, 72000 Zenica
- Ⓢ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava